


Sel Prestuhn
Henry B. Eyring
Mwet in Kahsruh Se Met
ke Prestuhnsi Se Met



Puhlaik Nwacsnwacs

Sie srihpac ke moul in ikoac uh pa in ahkpwacyei nuh sin God lah kuht fah liyacacng masap Lal ke ma ingacn eis pacl in puhlaik uh. Kuht pahselah tes se ingacn ke facl luhn nguhn ah. Tuhsruhkh yohk liki tahfuh sin lupufacn koluk inkuhsrao mweun lain ohiyac se ma elos in srihkeyuck in sie moul in ikoac ma ac oasr pacl upac ma elos ac fah puhtatlac uh.

Met liki kuht isuslac ah, kuht etwacl God Pahpah ac Wen Nahtuhl, Jisus Kraist, suwohswohs. Kuht kuh in liyactahl ac lohngohlos ke Elos luti ac ahkkweye kuht uh. Ingena sie lihsrlihsr fihliyucki kohsrwaclah nuhnac ac mwe esam lasr uh. Setuhn, pahpah tuhmwacn ma kikiacp, oasr pacl wowo lal ke srihpen kuht enenuh in liye na pwacye lah suc kuht uh ke luhlalhfongi na pwacye uh, ke pacl se mahnosr oruh kuht in nuhnuh-kweyuck ke mwe sruhf luhn facluh ac ke mwe muh-nahs luhn mahno uh.

Oasr kahsruh luhlalhp lasr in use puhlaik nuh sesr ke moul se inge. Ma se ma yohk emet an pa Iwaclah luhn Jisus Kraist. Ke srihpen ma El oruh inge, ma koluk uh kuh in owolac ke kof in pacptais uh. Kuht kuh in ahksa-sucye mwe insewowo ingacn ke kuht ipeis kuhfa luhn Leum ke luhlalhfongi ac ke inse auliyak uh.

Mwe sang ke nguhn uh el sie pac kahsruh. Kuht eis

Nguhn luhn Kraist ke isuslac ah. Ma ingacn use nuh sesr kuh in etuh lah sulaclah se met liki kuht uh fah kol kuht nuh ke moul ma pahpaht. Ma suhmuhslah uh el mwe kol na wowo se ke kuht riti ke Nguhn Muhtahl oacna sie mwet wiacsr uh.

Nguhn Muhtahl el lwelah kuht in fahk kuloh ac siyuck ke kahsruh ke pruhe ke kahlwem ac luhlalhfongi lasr ke sie pacl ah ma kuht insewowo yurin Pahpah tuhmasr Inkuhsrao ac suc ma kuht fah eis ke kuht fah fohlohk nuh yohrohl uh. Aetuhi se yurin God ingacn fah kahsruh sislah sahngweng insiacsr uh ke ac muh-saheack luhlalhfongi ac luhngse luhn Pahpah Lucng ac Jisus Kraist uh.

Pristut muhtahl uh use nuh sesr puhlaik nuh ke kuhlhwacnsap lasr uh. Ke kais sie akwuck ma kuht eis kuh in kuhlhwacnsapuh tuhlihk nuhtin God uh ac in kuhtanglah orekma luhn ma koluk uh. Ke El pahngon kuht in kuhlhwacnsap uh, oasr sesr olwelah se inge lah kuhtwena ma eiskuht uh, El ac oasr pac. Tuh El fah fahsr ye muhtahsr ac fah oasr ke lacpo lacyot ac lacsac, ac Nguhn Lal fah oan insiacsr, ac lupufacn Lal fah rauni-kuhtlac, in sruhkh kuhtyak (liye D&C 84:88).

Ke kuhlhwacnsap lal mwet pahluh Joseph Smith oasr srihpac lal in sahngweng. Tuhsruhkh God el sang nuhsel

puhlaik ke mwe ahkpwacyei se inge ke srihkasrak luhn Mwet Kol sac:

El fahk lah fin Joseph Smith el tototalac nuh in luhf uh kuh nuh in poun mwet ahkmas uh, ac ituckyang nuhsel in misac; fin el tototalac nuh acn loal uh; fin noanoa uh so-nuhl ahkkolukyaci; fin eng upac uh tuhkuh oacna mwet lokalok lal; fin inkuhsrao nwacnwaclah ke lohsr, ac ma nuh kewa tuhkwani in mayak; ac yohk liki nuh kwewa, fin wihsen acn in ma koluk uh ikucslah inwacuhl yohk tohkohl, el enenuh in etuh lah ma inge nuh kwewa ma ac sang pahlah se nuhsel, ac ma ac wo nuh sel se.

Leum el fahk nuh sel lah Wen nuhtin Mwet el puhtati nuh ten yurin mwet nuh kwewa. Ac siyuck sel fin el kuh Luhkwel? (liye D&C 122:7–8).

God el use nuh sesr yohk liki ma fal in kahsrwe kuht in sislah sahngweng ac use nuh sesr puhlaik, macnsis kuhnlah ma kuht fah sun ke moul uh. Ke kuht suk ke kahsrul Lal uh, El kuh in sruhk kuhtyak nuh ke moul ma pahtpaht ma kuht suk uh.

LUTI KE PWENG SE INGE

J isus Kraist, Mwet Kol ke Luti, kwacna siyuck kihsen siyuck in ahkkweye mwet uh in motko ac sang mwe luti El luti uh. . . . Kihsen siyuck Lal uh mokle nuhnak, sukok-nguhna, ac olwelah” (*Teaching, No Greater Call* [1999], 68). Nuhnkuh in orwacrah ac siyuck kihsen siyuck puhs in kahsrul kais sie in kahlwem ac sang mwe luti pwacye ke pweng inge. Nuh ke mwe srihkasrak, kom kuh in siyuck, “Kahsrul fuhkah ma God el usot nuh sum in sislah sahngweng ac usot puhlaik uh?” kuh “God el kahsrwe kom fuhkah in kuhtanglah sahngweng lom an?” Ahkkweye kais sie in motko top lalos met liki elos topuk.

MWET FUHSR

Wacngihn Mwet Suwohs

Sel Shauna Skoubye

N ga kena lwen nuh kwewa in oacna Nephi: ahkos-twen na upac, yohk luhlalhfongi la, ac sesseslah ke nguhn. Ke ma nga liye uh Nephi el mwe srihkasrak na wowo se ke ma wo uh. Kais kuhtuh ma sikyak nuh sihk yohk liki na nuhnak in kapkapwack in muh oacna el uh—

kuh sahp muhtwacwacack in eis finne kihtin wo lal ah.

Sie lwen ah oasr elyah srihsrihk se sikyak nuh sihk, sikyak ke puhla suhfal. Oasr kena in orwacrah wowo ac finsrak na puhs. Tuhsruhk Nga tiacna kuh in oraclah nuh ke kuhtwena acn. Tuhng ke wacngihn finsrak, Nga sang puhla inge nuh sin pahpah tuhmuhk. El tuyak na, ac fahsr nuh ke acn in puk se, ac ollah sie kapi ke Puk luhn Mormon ah. El tiac fahklah sie kahs, el ikucslah nuh ke 2 Nephi 4 ac muhtwacwacack riti fuhs 17.

Tuhnin mihsrihsr monuk oacna sahrom uh ke nga lohng kahs na fokoko inge suc el lakihn lah el sie mwet na suhpwacr. Nuhnkuh luhk mukwikwi. Nephi, mwet kuhtanglah ac srihkasrak luhk, el oruh fuhkah in fahk muh el “kasrkuhsrak”? Fin el kasrkuhsrak, ma ingacn ac oruh nga mac?

Sifilpac, sahrom sac mokleyuc ke pahpah tuhmuhk ah riti fuhs 28 ke Nephi el sapkihn nguhal in acsmak-lac ac tiac sifil muhta in ma koluk. Tiac sifil muhta in ma koluk. Oacna ngan puhla muh puhkuhnyen lohsr se insifuckah maelihk ac mwesahslah in ahkkahlwemye sie puhkuhnyeng folfol fucsrucsr ac kahto ma ikacklah ac faht kahlwem uh. Kuh in ahkuhtweyucki atacn fuhs inge nwacklah nguhihk uh. Kuhtuh fuhs ke ma suhmuhslah nwekyuclac ke finsrak, mokleyuck, ac engan oacna ke ma se inge oruh uh.

Ke fuhs 30, Nephi el fahk oacna ma nga nuhnkuh uh, tuh ke kahs in kaksahk yohk na. El fahk lah nguhal fah engan in El suc pa God lal ac yot in molwelah lal. Fuhs se inge use puhla mislac ac kuloh ke pahkotwen ac luhngse luhn Leum.

Pahpah tuhmuhk ah kaliyac puk sac ac ahkuhtweyac lah fuhs inge kuhtuh pacl uh pahngpahng on lal Nephi. Na el kahkahrhihk lutiyuc lah finne mwet wo na pwacye fin facluh uh tiac suwohs, ac mwet inge enenuh in akihlen sesuwohs laltahl kuh elos fah in sefuhltwact ac, ke ma inge, tiac wo.

Nga kahlwemwack. Tiac kalmen oasr mwe muhnahs luhk pa nga tiac kuh in oacna Nephi. Akihlen mwe muhnahs luhk ahkfototoyeyuc nuh ke lahlmwetmwet lal Nephi. Nephi el wo na upac ke srihpen, el kwewana ahkostwen ac yohk luhlalhfongi la, el insepuhsisac ac kena in fahkwack ma koluk lal.

Tukun na ma sac, nga seko kahs lal Nephi inge. Kais sie pacl nga riti uh, nga puhlakihn pac atac sac ac mokleyuck uh oacna pacl se met nga riti ah. Fuhs

ingacn fahkwack nuh sihk lah nga sie tuhlihk muh-
twacn nuhtin God, yohk likina ma nga kuh in nuhn-
kuh uh. Nga etuh lah fin yohk luhlalhfongi luhk ac
fahsr na nuh met, mwe insewowo soenna etweyuck
uh srwackna oasr suhna.

TUHLIHK

Mwe Sang Ma Use Puhlaik Lasr

Prestuhn Eyring el sruhmuhn nuh sesr mwe sang
pucspucs ma use puhlaik nuh sesr uh. Riti kais sie
ma suhmuhslah ten inge, ac suhmuhslah inen mwe sang
an ke lain soko an. Sramsram nuh sin sucu lom an ke

ohiyac fuhkah ma mwe sang an kuh in usot nuh sum
puhlaik.

1.Orekma 22:16 _____

2.2 Nephi 4:15 _____

3.liye D&C 59:8–9 _____

4.2 Nephi 32:5; Jon 14:26–27 _____

5.1 Met Tessonika 5:17 _____

© 2009 sel Intellectual Reserve, Inc. Kuh ac suwohs nuh kwewa fihliyucki.
Sihmlac fin acn USA. Ahkkweyeyucklac ke kahs English: 6/09. Ahkkwey-
yucklac ke lweng: 6/09. Lwenglah luhn *First Presidency Message, March
2010*. Kosraean. 09363 868

Ahkkweye Luhlahlfongi ke God Pahpah ac Jisus Kraist ke Lutlut ke Ma Suhmuhsalah nuhtin Kais Sie



*Luti ma suhmuhsalah
ac fahk inge kuh,
fin enenuh, sie pac
mwe luti ma ac*

*ahkinsewowoye tahmtahel ma
kom muhtwacta nuh yohroh an.
Fahkwack luhlahlfongi kuh lom
ke mwe luti an. Suli elos suc kom
muhtwacta yohroh an in akacsruhi
ke ma elos puhla ac lotwelah an.*

“Ke nga pahyuck sasuc ah, . . . suliyuck nga nuh ke sie mongo infulwacnlwen se nuh sin tahmtahel ke Rilif Sosaiti nohfohn ke ward luhk ah ma riti kwewana Puk luhn Mormon kuh sie puk ke sramsram mahtuh fototo ke Alu uh. Rit ke ma suhmuhsalah luhk uh tiac plwacn lac wo, ruh nga fal in wi mongo sacn ke riti sie puk srihsrihk ke srihpen fihsrwacsr ac srihklac pacl. Ke nga kang mongo nak an, oasr puhla na fokoko se luhk lah puk ke ma mahtuh inge el ma na wowo se, ac nga enenuh in riti Puk luhn Mormon an. Nguhn Muhtahl pihrihkyuc in ahollah ohiyacn rit ma suhmuhsalah se luhk inge. Ke lwen sac na nga muhtwacwacack in riti Puk luhn Mormon, ac nga tiac sifil tui. . . . Ke srihpen nga muhtwacwacack riti ma suhmuhsalah lwen nuh kwewa uh, nga lotwelah ke Pahpah tuhmuhk Lucng,

Wen Nahtuhl Jisus Kraist, ac ma nga enenuh in oruh in oacna El. . . .

“. . . Muhtwacn nuh kwewa kuh in mwet luti se ke wosasuc in lohm sel ah, ac tahmtahel nuh kwewa ke Alu uh enenuh etwacack ke wosasuc uh oacna sie mwet kol ac mwet luti. Fin kom sonna ahkyohkye elah ke lutlut ke ma suhmuhsalah lwen nuh kwewa uh, muhtwacwacack ingena ac lutlut na in kuh in ahkolah nuh ke kunohkohn lom ke moul se inge ac ne tok ma pahtpaht uh.”¹

Julie B. Beck, prestuhn luhlahp ke U luhn Muhtwacn in Kahsruh.

“Lutlut ke ma suhmuhsalah uh fah kahsruh fahkwack luhlahlfongi lasr ac mwet ke sucu lasr uh. Tuhlihk nahtuhsr mihsenge uh kapwack rauniyucklac ke puhsra ahkkweyaclos in sislah ma ma pwacye ac in ukwe, sahyac, mwe kahsruhpuh luhn facuh uh. Fin te oasr luhlahlfongi kuh lalos ke wosasuc luhn Jisus Kraist, sie fahkwack luhlahlfongi ke ma pwacye, ac sie mwe nuhnak in moul suwohswohs, elos oasr ke mukwikwi inge. Ma kunacsr in ahkyohkye ac karuhnganuhlosyang.”²

Prestuhn Thomas S. Monson.

“Kuht luhngse tahmtahel wi-yacsr uh in lahlmwetmwet ke ma suhmuhsalah uh. . . . Kom enenuh

KAHSRUH NUH KE FORFOR LUTI

Ke puhlan pacl in muhtwacta lom an, tohpohklah kihsen siyuck ac akacsruhi mwe kahsruh an orekmakihn ma suhmuhsalah an. Fahkwack luhlahlfongi ke fuhkah lutlut ke ma suhmuhsalah uh ahkkweye luhlahlfongi lom an. Siyuck sin tahmtahel ma kom muhtwacta yohroh an in akacsruhi lah lutlut lal ke ma suhmuhsalah uh ahkkweye lohm sel an ac sucu lal an fuhkah. Ahkolah luhn Kais Sie
Jon 5:39
2 Timote 3:14–17
2 Nephi 9:50–51;31:20;32:3–5
liye D&C 138:1–11

sie aetuhilac ke ma pwacye ma pahtpaht lal ke ma ac wo nuh sum sifacna, ac nuh ke srihpac in luti tuhlihk nuhtum sifacna ac mwet nuh kwewa sahyac ma tuhkuh ke mokleyuck lom an.”³

“Kuht luhngse lohm sesr uh in ahkinsewowoyeyuck ke tahmtahel ma rit ma suhmuhsalah finne—kom tiac pahyuck kuh pahyuck, fuhsr kuh mahtuh, katinmas kuh muhtayurin sie sucu. . . . In yohk etuh la ke ma suhmuhsalah uh—tiac in oruh

mwet sahyac puhla koluk, tuhsruhk
in kahsrwelos!"⁴

Prestuhn Spencer W. Kimball (1895–1985).

MWE KAHSRUH

1. Julie B. Beck, "My Soul Delighteth in the Scriptures," *Liahona*, Mei 2004, 107–9.

2. Thomas S. Monson, "Three Goals to Guide You," *Liahona*, Nohfohmpuh 2007, 118.
3. Spencer W. Kimball, "Privileges and Responsibilities of Sisters," *Ensign*, Nohfohmpuh 1978, 102.
4. Spencer W. Kimball, "The Role of Righteous Women," *Ensign*, Nohfohmpuh 1979, 102.

© 2010 sel Intellectual Reserve, Inc. Kuh
ac suwohs nuh kwewa fihliyucki. Sihmlac
fin acn USA. Ahkkweyeyucklac ke kahs
English: 6/09. Ahkkweyeyucklac ke lweng:
6/09. Lwenglah luhn *Visiting Teaching Message*,
March 2010. Kosraean. 09363 868